

Сийрат 194-дарс. Ким бировга зулм қилса...

СИЙРАТ
дарслари 194-дарс

Сийрат дарслари Шайх Муҳаммад Содиқ Муҳаммад Юсуф роҳимаҳуллоҳининг
«Бу – Расууллоҳ соллаллоҳу алайҳи васаллам» таржима китоблари ва
“Ҳадис ва ҳаёт”нинг 19-жузъи асосида бериб борилади. Мавзуларнинг тўлиқ матни
билин танишиш учун китобнинг ўзига мурожаат этиш тавсия этилади.

19:00 / 29.07.2022 4336

747. Ибн Умар розияллоҳу анҳумодан ривоят қилинади:

«Расууллоҳ соллаллоҳу алайҳи васаллам Осия исмини ўзгартирилар,
«Сен Жамиласан!» дедилар».

Муслим ривоят қилган.

Осия исми «осий-итоатсиз аёл» маъносини, Жамила исми «чирайли»
маъносини билдиради.

* * *

748. Абу Ҳурайра розияллоҳу анҳудан ривоят қилинади:

«Расууллоҳ соллаллоҳу алайҳи васаллам: **«Албатта, мен олийжаноб ахлоқларни тугал қилиш учун юборилғанман»**, дедилар».

Бошқа ривоятда: «солиҳ ахлоқларни», дейилган.

Аҳмад, Бухорий «Адабул муфрад»да, Ҳоким, Байҳақий ривоят қилишган.

* * *

749. Абу Ҳурайра розияллоҳу анҳудан ривоят қилинади:

«Расууллоҳ соллаллоҳу алайҳи васаллам: **«Ким биронинг шаънига ёки бирор нарсасига зулм қилган бўлса, уни бугун - динор ҳам, дирҳам ҳам бўлмай қолишидан олдин - рози қилиб олсин. Агар солиҳ амали бўлса, ундан қилган зулми миқдорида олинади; яхшиликлари бўлмаса, ҳақ эгасининг ёмонликларидан олиниб, бунга юклатилади, дедилар».**

Бухорий ривоят қилган.

* * *

750. Абу Ҳурайра розияллоҳу анҳудан ривоят қилинади:

«Расууллоҳ соллаллоҳу алайҳи васаллам: **«Касодга учраган** (муфлис) **кимлигини биласизларми?**» дедилар. «Бизнинг орамизда касодга учраган – дирҳами ҳам, мол-мулки ҳам йўқ одам», дейишди. **«Менинг умматимдан касодга учрагани Қиёмат куни намоз, рўза, закот билан келгану, аммо уни сўккан, буни зинода айبلاغан, унинг молини еган, бунинг қонини тўккан, буни урган одамдир. Бунисига унинг савобларидан берилади, унисига ҳам унинг савобларидан берилади. Агар зиммасидаги нарса тамом бўлмай туриб унинг савоблари тугаб қолса, уларнинг гуноҳларидан олиниб, бунинг устига юкланди. Сўнгра у дўзахга солинади»**, дедилар».

Муслим ривоят қилган.

«Расууллоҳ соллаллоҳу алайҳи васаллам» китобидан